



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1618. usque ad annum 1620

Fleury, Claude

August. Vind. [u.a.], 1777

VD18 90118847

§. 35. Francisci Vendramini Cardinalis fatum.

[urn:nbn:de:hbz:466:1-67326](https://nbn-resolving.org/urn:nbn:de:hbz:466:1-67326)

Sæc. XVII. A. C. 1619 rienti Ecclesiæ, quam summa diligentia, & prudentiæ fama administrabat usque ad postremum vitæ suæ diem, qui erat vigesimus nonus Mensis Augusti.

§. XXXV.

Francisci Vendramini Cardinalis fatum.

Ughel. Ital. Sac. Mar- rac. in Purp. Postremus inter Purpuratos, qui hoc anno vivere desiere, erat Franciscus Vendraminus Venetus, qui ad Sabaudia Ducem, Hispaniæ & Franciæ Reges, necnon ad Cæsarem, & denique ad Paulum V. Reipublicæ Orator decretus, præclara patriæ suæ obsequia præstitit, Vir pietate, prudentia morumque integritate insignis, a fastu alienus, in pauperes liberalis, & Religionis studio flagrans. Hic relicto sæculi fastu Clericali militiæ adscribatur, Ecclesiasticis dignitatibus, quo studiosius eas fugiebat, eo copiosius illum insequentibus; quippe absens Venetiarum Patriarcha, & Cardinalis Presbyter renuntiabatur, ferme omnes dignitatum gradus pro Ecclesiæ ac Reipublicæ utilitate emensus. Tandem vero gloria, meritisque plenior, quam ætate, Venetiis die quinta Octobris decessit, in Patriarchali Templo tumulatus.

§. XXXVI.